



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na tur alumno di Colegio Arubano y nan
mayor/cuidado

Oranjestad, 8 di november 2024

COLAUA: 2024/2025-076

Topico: Rooster CP1 y SE1 y otro participacion

Apreciabel mayor/cuidado, alumno,

E prome periodo ta casi tras di lomba. Esey ta nifica cu pronto e CP'nan y e SE'nan lo cuminsa. E periodo di CP2/SE1b lo tuma luga for di **dialuna, 18 di november te cu dialuna, 25 di november 2024.**

Adhunto e rooster di CP/SE. Tambe lo publica e rooster aki riba nos website <http://colegioarubano.aw>. Pa e contenido di cada materia di CP consulta e PLTnan cu tambe ta obtenibel riba nos website via bit.ly/PLTs24-25. E materia di SE ta den e buki di SE, cual e alumnonan a ricibi via mail y naturalmente tambe ta riba nos website.

Puntonan di atencion durante CP/SE

- Tur alumno mester identifica nan mes cu nan carchi di Colegio.
- E intencion ta cu despues di CP tur alumno ta inicia nan studiamiento pa e siguiente dia di CP/SE.
- Durante e periodo di CP/SE, tur regla di scol ta keda valido. Principalmente e reglanan relaciona cu uniform.
- Si e alumno ta ausente durante e periodo di CP/SE, mester haci lo siguiente:
 - E mayornan ta raporta nan yiu malo prome cu 8:00 am, door di yama scol of door di yena e formulario riba e website: bit.ly/ziekmal
 - E alumno ta raporta fisicamente na Medwork prome cu 10:00am.
 - Unabes bek na scol, e alumno ta entrega e carta di Medwork na secretariado di scol.
 - Si no tin motibo valido pa ta ausente, e alumno ta haya e cifra 1 pa e CP/SE cu e no a traha.

NOBO: Identificacion cu carchi di Colegio

Pa e alumnonan di examenklas ya tawata obligatorio pa pone nan carchi di Colegio riba nan banki pa identifica nan mes prome cu examen start. Si un alumno lubida su carchi, e por haya un comprobante temporario pa 1 florin na administracion di scol. Awo en adelante ta bira obligatorio tambe pa tur otro alumno presenta nan carchi di Colegio durante CP. Tur alumno tin un carchi di Colegio cu nan number y potret riba dje. Durante CP2 nos lo duna un advertencia si e alumno lubida su carchi di Colegio, pero desde CP3 ta conta tambe pa tur alumno cu no ta den examenklas, cu nan tambe lo mester bay busca un comprobante temporario na administracion di scol si nan no por mostra nan carchi di Colegio.

Dianan di inhaal di CP y SE

Esnan cu pa motibo valido no a traha CP of SE durante e siman di CP/SE, por recupera e CP despues di a entrega e carta di Medwork. E dianan pa recupera CP ta para riba e rooster. E fechanan di recuperacion di SE ta para den e buki di SE. E recuperacion di CP/SE ta tuma luga despues di scol. Pa participa na e recuperacion di CP/SE, e alumno mester ta na scol den dia y a sigui tur su lesnan segun rooster riba e dia di recuperacion.

Procedura di Medwork

1. E alumnonan cu pa motibo di enfermedad ta haya nan stroba di participa na un CP, mester raporta fisicamente e mesun dia, entre 8.00 y 10.00 am na Medwork.
2. Bistimento di tapaboca ta opcional, solamente si e alumno no tin sintoma di griep.
3. E costo di e consulta na Medwork ta Afls. 35.00 y tin cu ta paga door di e alumno of un mayor. Por paga cu carchi di banco na tur dos locacion, pero por paga cu efectivo tambe.
4. Na e cita, e estudiante mester bin cu un ID valido of e carnet di scol.
5. Medwork Caribbean N.V. no lo sumistra niun informacion tocante e alumno na tercer persona.
6. Despues di control, e alumno lo haya un declaracion firma pa e dokter di Medwork Caribbean N.V, cu a control'e, den cual ta indica:
 - si e alumno pa motibo di e enfermedad por participa na CP/SE of no;
 - e duracion di e malestar.

Medwork su localidadnan ta na Tanki Flip y San Nicolas (Bernhardstraat 101).

Website nobo

Nos tawata trahando duro riba e website ultimamente. E website nobo ta online desde siman pasa dialuna. E website nobo ta traha di tal manera cu por les'e facilmente for di cualkier aparato. E website bieu no tawata facil pa uza riba un telefon mobil. Esaki a cambia cu nos website nobo. Ainda nos ta actualisando e informacion, pero nos ta contento cu nos website nobo.

E normanan pa bay over

A determina e normanan legal pa bay over pa e aña escolar aki. Esakinan nos a publica riba nos website. Ta trata di e normanan pa e klasnan cu no ta e klasnan di examen. Ta determina e cifra final pa cada materia door di calcula e promedio di tur prueba y rond af e cifra na un cifra completo, sin coma. Durante e reunionnan di rapport lo uza e normanan aki pa determina cua mayor lo invita pa e anochi di mayor.

Campaña pa colecta comestibel

E aña aki Colegio Arubano ta bolbe organisa un campaña pa colecta comestibel pa e famianan menos afortuna memey di nos. Ta pidi tur alumno pa haci donacion di alimento na esnan menos afortuna (via Fondo Social). Na scol lo tin baki grandi (na Emma- y 'banda grandi') unda e alumnonan por pone e cumindanan. E campaña di recaudacion lo tuma luga for di diahuebs, 28 di november te cu diahuebs, 5 di december. Den anexo 3 lo tin ehempel di e productonan cu por haci donacion. Colegio Arubano ta spera cu tur por contribui pa asina haci e hendenan contento durante temorada di Pasco. Nos ta spera di por conta cu boso apoyo.

Competencia di dibuho

Tambe lo organisa un concurso di dibuho. E alumnonan por busca desde dialuna, 11 di november un papel A3 na administracion den hal of cerca conciërge na Emma. Riba e papel aki nan por haci un dibuho cu e tema di Pasco. Riba dia 5 di december e alumnonan por entrega nan dibuho na administracion of cerca e conciërge na Emma. Riba 9 di december, durante, lo saca e ganadonan. Tin bunita premio pa e miho dibuho!

Pa clausura, nos ta desea tur alumno hopi exito cu CP2/SE1b!

Saludo cordial,



T.R. Croes M Ed

Rector